

TELCELL	«ԹԵԼ-ՍԵԼ» ԲԲԸ ԱՆԿԱԽ ԱՌԻԴԻՏՈՐԱԿԱՆ ԿԱԶՄԱԿԵՐՊՈՒԹՅԱՆ ԸՆՏՐՈՒԹՅԱՆ ԿԱՐԳ	Ծածկագիր՝ ԿԿ/290724/11	Խմբագրություն՝ 1.0	Էջ 1 / 11
			Գաղտնի	

Հաստատված

«ԹԵԼ-ՍԵԼ» ԲԲԸ Տնօրենների խորհրդի

29.07.2024թ. № 290724 որոշմամբ

«ԹԵԼ-ՍԵԼ» ԲԱՑ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ ԱՆԿԱԽ ԱՌԻԴԻՏՈՐԱԿԱՆ ԿԱԶՄԱԿԵՐՊՈՒԹՅԱՆ ԸՆՏՐՈՒԹՅԱՆ ԿԱՐԳ

1. Կարգավորման առարկան

1. «ԹԵԼ-ՍԵԼ» բաց բաժնետիրական ընկերության անկախ աուդիտորական կազմակերպության ընտրության կարգն (այսուհետ՝ կարգ) սահմանում է «ԹԵԼ-ՍԵԼ» բաց բաժնետիրական ընկերության (այսուհետ՝ կնկերություն) կողմից մրցույթների անցկացման նպատակով անկախ աուդիտորական կազմակերպություններին ներկայացվող պահանջները և չափանիշները, մրցութային առաջարկությունների գնահատման մեթոդները, մրցույթների կազմակերպման, անցկացման և արդյունքների ամփոփման կարգն ու ժամանակացույցը:

2. Հիմնական հասկացություններ

2. Սույն կարգում օգտագործվող հիմնական հասկացություններն են՝

1) **աուդիտորական կազմակերպության պատասխանատու աուդիտոր**՝ աուդիտորական կազմակերպության աուդիտորական եզրակացությունը ստորագրող աշխատակից.

2) **աուդիտ իրականացնող խումբ**՝ աուդիտորական կազմակերպության աշխատակիցների խումբ, որն անմիջականորեն ընդգրկված է ընկերության ֆինանսատնտեսական գործունեության աուդիտի իրականացման մեջ.

3) **ֆինանսական կազմակերպություն**՝ բանկ, վճարահաշվարկային կազմակերպություն, վարկային կազմակերպություն, ապահովագրական ընկերություն, ներդրումային ընկերություն, ներդրումային ֆոնդի կառավարիչ.

4) **Հանձնաժողով**՝ անկախ աուդիտորական կազմակերպության ընտրության մրցութային հանձնաժողով:

TELCELL	«ԹԵԼ-ՍԵԼ» ԲԲԸ ԱՆԿԱԽ ԱՌԻԴԻՏՈՐԱԿԱՆ ԿԱԶՄԱԿԵՐՊՈՒԹՅԱՆ ԸՆՏՐՈՒԹՅԱՆ ԿԱՐԳ	Ծածկագիր՝ ԿԿ/290724/11	Խմբագրություն՝ 1.0 Գաղտնի	էջ 2 / 11
----------------	---	---------------------------	------------------------------	-----------

3. Անկախ աուդիտորական կազմակերպությունների ընտրությանը ներկայացվող պահանջները և չափանիշները

3. Ընկերությանը աուդիտորական ծառայություններ կարող են մատուցել միայն «Հաշվապահական հաշվառման և աուդիտորական գործունեության կարգավորման և հանրային վերահսկողության մասին» Հայաստանի Հանրապետության օրենքով սահմանված մասնագիտացված կառույցի անդամ հանդիսացող իրավաբանական անձ, որն իրավունք ունի մատուցելու աուդիտորական ծառայություններ և Ֆինանսական կազմակերպության աուդիտի իրականացման առնվազն 5 տարվա աուդիտորական աշխատանքի փորձ ունեցող աուդիտորական կազմակերպությունները: Ընդ որում, 5 տարվա աուդիտորական աշխատանքի փորձի պահանջը չի տարածվում միջազգային ճանաչում ունեցող աուդիտորական կազմակերպությունների վրա (<http://www.accountancyage.com/static/top50-this-year>, <http://accountants.entrepreneur.com/>, <http://www.vault.com/wps/portal/usa/rankings/landing?rankingId=177®ionId=0> կայքերից որևէ մեկում տեղադրված ցանկում ներառված լավագույն 10 աուդիտորական ցանցերի լիիրավ անդամ հանդիսացող կազմակերպություններ):

4.

5. Աուդիտորական կազմակերպությունն ընկերության հետ կնքվող պայմանագրով համաձայնություն է տալիս Հայաստանի Հանրապետության կենտրոնական բանկի հրավերով մասնակցելու ընկերության, աուդիտորական կազմակերպության և Հայաստանի Հանրապետության կենտրոնական բանկի միջև արտաքին աուդիտի արդյունքների քննարկման համար կազմակերպվող եռակողմ հանդիպմանը:

6. Ընկերությունն անկախ աուդիտորական կազմակերպության ընտրություն կատարելիս առաջնորդվում է հետևյալ չափանիշներով՝

1) աուդիտորական կազմակերպության՝ Հայաստանի Հանրապետությունում և/կամ միջազգային ճանաչումը (հեղինակությունը)։

2) աուդիտորական կազմակերպության և աուդիտ իրականացնող խմբի անդամների անկախությունը՝ համաձայն «Աուդիտորական գործունեության մասին» Հայաստանի Հանրապետության օրենքի։

3) աուդիտ իրականացնող խմբում ներգրավված աշխատակիցների առնվազն կեսը պետք է ունենա աուդիտորական կազմակերպությունում առնվազն 3 տարվա աշխատանքային փորձ և միջազգային հաշվապահական և (կամ) աուդիտորական որակավորման (օրինակ՝ Էյ-Սի-Սի-Էյ, ՍԻ-ՓԻ-Էյ, ՍԻ-Այ-Էս-Էյ) փուլերի առնվազն կեսն ավարտած լինելու փաստը հավաստող փաստաթուղթ (վկայական) կամ Հայաստանի

TELCELL	«ԹԵԼ-ՍԵԼ» ԲԲԸ ԱՆԿԱԽ ԱՌԻԴԻՏՈՐԱԿԱՆ ԿԱԶՄԱԿԵՐՊՈՒԹՅԱՆ ԸՆՏՐՈՒԹՅԱՆ ԿԱՐԳ	Ծածկագիր՝ ԿԿ/290724/11	Խմբագրություն՝ 1.0	Էջ 3 / 11
			Գաղտնի	

աուդիտորների և հաշվապահների ասոցիացիայի կողմից տրված աուդիտորի որակավորումը հավաստող փաստաթուղթ.

4) աուդիտորական կազմակերպության պատասխանատու աուդիտորը պետք է ունենա ֆինանսական կազմակերպության աուդիտորի առնվազն 3 տարվա աշխատանքային փորձ և առնվազն 5 բանկի կամ ապահովագրական ընկերության աուդիտի իրականացման փորձ և միջազգային հաշվապահական և (կամ) աուդիտորական որակավորման (օրինակ՝ Էյ-Սի-Սի-Էյ, ՍԻ-ՓԻ-Էյ, ՍԻ- Այ-Էս-Էյ) փուլերի առնվազն կեսն ավարտած լինելու փաստը հավաստող փաստաթուղթ (վկայական):

4. Հանձնաժողովի կազմը և գործառույթները

7. Հանձնաժողովի կազմում ընդգրկվում են.

- 1) Հանձնաժողովի նախագահ՝ Գործադիր տնօրենի տեղակալ.
- 2) Հանձնաժողովի անդամ՝ Գլխավոր հաշվապահ.
- 3) Հանձնաժողովի անդամ՝ Ներքին աուդիտոր/վերստուգող.
- 4) Հանձնաժողովի անդամ՝ Իրավաբանական դեպարտամենտի տնօրեն.
- 5) Հանձնաժողովի անդամ՝ Ռազմավարության և մեթոդաբանության վարչության պետ.

6) Հանձնաժողովի քարտուղար՝ Գործառնական դեպարտամենտի ղեկավար:

8. Ընկերության բաժնետերերի տարեկան ընդհանուր ժողովից ոչ ուշ քան 90 օր առաջ Հանձնաժողովը հաստատում է մրցույթի մասին հրապարակային ծանուցման տեքստը և սույն կարգի 13-րդ կետով սահմանված ժամկետում կատարում է մրցույթի անցկացման մասին հրապարակային ծանուցումը:

9. Հանձնաժողովը կարգով սահմանված ընթացակարգով և ժամկետներում բացում և գնահատում է մրցույթի հայտերը, ինչպես նաև որոշում է մրցույթի հաղթողին:

10. Հանձնաժողովը վարում է մրցութային հայտերի գրանցամատյան :

11. Հանձնաժողովի նիստերն արձանագրվում և Հանձնաժողովի նախագահին ու անդամներին ստորագրման են ներկայացվում Հանձնաժողովի քարտուղարի կողմից:

12. Հանձնաժողովը որոշում է ընդունում ձայների պարզ մեծամասնությամբ, իսկ ձայների հավասար բաշխվելու դեպքում Հանձնաժողովի նախագահի ձայնը որոշիչ է:

13. Հանձնաժողովի գործունեությունը վերահսկվում է Խորհրդին կից Աուդիտի հանձնաժողովի կողմից:

TELCELL	«ԹԵԼ-ՍԵԼ» ԲԲԸ ԱՆԿԱԽ ԱՌԻԴԻՏՈՐԱԿԱՆ ԿԱԶՄԱԿԵՐՊՈՒԹՅԱՆ ԸՆՏՐՈՒԹՅԱՆ ԿԱՐԳ	Ծածկագիր՝ ԿԿ/290724/11	Խմբագրություն՝ 1.0	Էջ 4 / 11
			Գաղտնի	

5. Մրցույթի մասին հրապարակային ծանուցումը

13. Հանձնաժողովը մրցույթի անցկացման մասին հրապարակային ծանուցումը կատարում է մրցույթի հայտերն ընդունելու վերջնաժամկետից առնվազն 30 օր առաջ:

14. Մրցույթի մասին հրապարակային ծանուցումը կատարվում է ընկերության պաշտոնական կայքում:

15. Հանձնաժողովը մրցույթի մասին հրապարակային ծանուցում կատարելուց հետո կարող է կատարել փոփոխություն և/կամ լրացում:

16. Մրցույթի մասին հրապարակային ծանուցման մեջ փոփոխությունները և/կամ լրացումները կատարվում են՝ պահպանելով սույն կարգի 14-րդ կետի պահանջները՝ մրցույթի հայտերն ընդունելու վերջնաժամկետից առնվազն 10 օր առաջ:

17. Մրցույթի մասնակիցները, մինչև մրցույթի հայտերը ներկայացնելու վերջնական ժամկետի ավարտը, կարող են փոփոխել կամ հետ վերցնել հայտերը: Մրցույթի հայտերի փոփոխությունը կատարվում է՝ ծրարի վրա ավելացնելով «փոփոխում» բառը:

6. Մրցույթի հայտեր ներկայացնելու կարգը

18. Մրցույթին մասնակցել ցանկացող աուդիտորական կազմակերպությունները, հրապարակային ծանուցման մեջ նշված ժամկետներում, ընկերություն են ներկայացնում մրցութային առաջարկությունների երկու փաթեթ՝ երկու ծրարով՝

1) առաջին փաթեթը պարունակում է աուդիտորական ծառայության տեխնիկական կողմերին վերաբերվող առաջարկությունները:

2) երկրորդ փաթեթը պարունակում է աուդիտորական ծառայության ֆինանսական կողմերին վերաբերվող առաջարկությունները:

19. Մրցույթի հայտերը ներկայացվում են սուսնձված, կնքված և/կամ ստորագրված ծրարներով:

20. Ծրարների վրա պետք է կատարվեն մրցույթի մասին հրապարակային ծանուցման մեջ նշված մրցույթի հայտի ներկայացման վայրի (հասցեի) և «չբացել մինչև հայտերի բացման նիստը» գրառումները:

21. Մրցույթի հայտը գրանցվում է առանձին գրանցամատյանում՝ ըստ ստացման հերթականության՝ ծրարների վրա նշելով գրանցման համարը, տարին, ամիսը, ամսաթիվը և ժամը:

22. Մրցույթի հայտերն ընդունվում են մինչև հրապարակային ծանուցման մեջ նշված հայտերի ներկայացման վերջին օրվա ժամը 17:00-ն:

TELCELL	«ԹԵԼ-ՍԵԼ» ԲԲԸ ԱՆԿԱԽ ԱՌԻԴԻՏՈՐԱԿԱՆ ԿԱԶՄԱԿԵՐՊՈՒԹՅԱՆ ԸՆՏՐՈՒԹՅԱՆ ԿԱՐԳ	Ծածկագիր՝ ԿԿ/290724/11	Խմբագրություն՝ 1.0	էջ 5 / 11
			Գաղտնի	

23. Ընկերությունը հայտ ներկայացրած մասնակցին տալիս է տեղեկանք՝ մրցույթի հայտն ընդունելու մասին:

7. Տեխնիկական հայտ

24. Տեխնիկական հայտը պետք է ներառի հետևյալ տեղեկատվությունն ու փաստաթղթերը՝

1) մրցույթի մասնակցի լրիվ անվանումը, պետական գրանցման վկայականի, կանոնադրության, աուդիտորական գործունեությամբ զբաղվելու լիցենզիայի պատճենները, գտնվելու վայրը, հեռախոսահամարները.

2) ծառայությունների մատուցման բնութագիրը.

3) ծառայությունների մատուցման ժամկետները.

4) այն Ֆինանսական կազմակերպությունների ցանկը, որոնց վերջին հինգ տարվա ընթացքում աուդիտորական կազմակերպությունը մատուցել է աուդիտորական ծառայություններ.

5) աուդիտորների անունները, ազգանունները, աշխատանքային փորձը, աուդիտորական որակավորման և մասնագիտական վերապատրաստման վկայականների պատճենները.

6) աուդիտ իրականացնող խմբում ներգրավված աշխատակիցների, ներառյալ աուդիտ իրականացնող խմբի ղեկավարի միջազգային հաշվապահական և (կամ) աուդիտորական որակավորման (Էյ-Սի-Սի-Էյ, ՍԻ-ՓԻ-Էյ, ՍԻ-Այ-Էս-Էյ և այլ) փուլերի առնվազն կեսն ավարտած լինելու փաստը հավաստող փաստաթուղթ (վկայական) կամ Հայաստանի աուդիտորների և հաշվապահների ասոցիացիայի կողմից տրված աուդիտորի որակավորումը հավաստող փաստաթուղթ (վկայական).

7) աուդիտորական կազմակերպության պատասխանատու աուդիտորի, միջազգային հաշվապահական և (կամ) աուդիտորական որակավորման (Էյ- Սի-Սի-Էյ, ՍԻ-ՓԻ-Էյ, ՍԻ-Այ-Էս-Էյ և այլ) փուլերի առնվազն կեսը ավարտած լինելու փաստը հավաստող փաստաթուղթ (վկայական).

8) աուդիտորական կազմակերպության պատասխանատու աուդիտորի ֆինանսական կազմակերպության աուդիտորի առնվազն 3 տարվա աշխատանքային փորձի և առնվազն 5 ֆինանսական կազմակերպության աուդիտի իրականացման փորձի վերաբերյալ տեղեկատվությունը.

9) աուդիտորական կազմակերպության և ընկերության միջև կնքվելիք պայմանագրով աուդիտորական կազմակերպության կողմից պարտականությունների

TELCELL	«ԹԵԼ-ՍԵԼ» ԲԲԸ ԱՆԿԱԽ ԱՌԻԴԻՏՈՐԱԿԱՆ ԿԱԶՄԱԿԵՐՊՈՒԹՅԱՆ ԸՆՏՐՈՒԹՅԱՆ ԿԱՐԳ	Ծածկագիր՝ ԿԿ/290724/11	Խմբագրություն՝ 1.0	Էջ 6 / 11
			Գաղտնի	

չկատարման դիսկի դիմաց փոխհատուցման կարգի և վճարի չափի սահմանումը.

10) մրցույթի մասնակցի հայեցողությամբ այլ անհրաժեշտ տեղեկություններ և փաստաթղթեր, որոնք կհաստատեն իր կողմից մատուցվելիք ծառայությունների որակը:

8. Ֆինանսական հայտ

25. Ֆինանսական հայտը պետք է ներառի հետևյալ տեղեկատվությունը՝

- 1) ծառայությունների մատուցման ընդհանուր գինը, որը պետք է ներառի բոլոր տեսակի ծախսերը, այդ թվում՝ հարկերը, տուրքերը և այլն.
- 2) ծառայությունների մատուցման դիմաց վճարումների ժամանակացույցը.
- 3) մրցույթի մասնակցի հայեցողությամբ ծառայությունների մատուցման ֆինանսական կողմին վերաբերող այլ անհրաժեշտ տեղեկատվություններ և հիմնավորող փաստաթղթեր:

9. Մրցույթի անցկացման, մրցույթի հայտերի բացման եվ հաղթողի որոշման ընթացակարգը

26. Մրցութային առաջարկությունները գնահատելիս Հանձնաժողովն առաջնորդվում է կարգով սահմանված պահանջներով և չափանիշներով՝ հաշվի առնելով նաև ընկերության և տվյալ աուդիտորական կազմակերպության միջև նախկինում առկա աշխատանքային փորձը:

27. Մրցութային առաջարկությունները գնահատվում են հետևյալ կերպ՝

- 1) բացվում է ծրարը, գնահատվում է տեխնիկական հայտը՝ համաձայն սույն կարգի 39-րդ կետի.
- 2) այն դեպքում, երբ տեխնիկական փաթեթում ներառված առաջարկությունները բավարարում են ընկերության կողմից սահմանված տեխնիկական պայմաններին, մասնակիցների հետագա գնահատումն իրականացվում է սույն կարգի 41-րդ կետի համաձայն: Այն դեպքում, երբ մասնակիցը հավաքել է 17 և ավելի միավոր տվյալ մասնակիցն անցնում է մրցույթի երկրորդ փուլ, որտեղ գնահատվում են մրցույթի ֆինանսական հայտի պայմանները: Տեխնիկական պայմանների մասով 17 միավորից ցածր հավաքած մասնակցի մրցութային առաջարկությունը մերժվում է և նրա ֆինանսական հայտի ծրարը չի բացվում.
- 3) տեխնիկական փաթեթում ներառված առաջարկությունների մասով 17 և ավելի միավոր հավաքած մասնակիցները կամ միանձնյա մասնակիցը շարունակում են

TELCELL	«ԹԵԼ-ՍԵԼ» ԲԲԸ ԱՆԿԱԽ ԱՌԻԴԻՏՈՐԱԿԱՆ ԿԱԶՄԱԿԵՐՊՈՒԹՅԱՆ ԸՆՏՐՈՒԹՅԱՆ ԿԱՐԳ	Ծածկագիր՝ ԿԿ/290724/11	Խմբագրություն՝ 1.0 Գաղտնի	էջ 7 / 11
----------------	---	---------------------------	------------------------------	-----------

մասնակցել մրցույթին: Ֆինանսական հայտը գնահատվում է Հանձնաժողովի կողմից.

4) առաջին փուլն անցած մասնակիցների ֆինանսական փաթեթն ուսումնասիրվում է Հանձնաժողովի կողմից մրցույթի երկրորդ փուլում: Գնային առաջարկի վերաբերյալ Հանձնաժողովը կարող է բանակցել երկրորդ փուլ անցած և առավելագույն միավորներ հավաքած երկու մասնակիցների հետ: Հանձնաժողովը հաղթող է ճանաչում այն մասնակցին, ում գնային առաջարկն ի վերջո կլինի առավել ցածր.

5) առաջին փուլը չանցած մասնակիցների գնային առաջարկները չեն քննարկվում, իսկ նրանց կողմից ներկայացված ֆինանսական փաթեթի ծրարը փակ վիճակում վերադարձվում է մասնակիցներին.

28. Մրցույթի հայտերը բացվում են Հանձնաժողովի նիստում հրապարակային ծանուցմամբ նախատեսված օրը և ժամին:

29. Մրցույթի հայտերի բացման նիստում հրապարակվում են՝

1) մրցույթի հայտը ներկայացրած յուրաքանչյուր անձի անվանումը.

2) մրցույթի հայտեր ներկայացնելու համապատասխանությունը հրապարակային ծանուցման պահանջներին.

3) տեղեկատվություն՝ մրցույթի հայտերում փոփոխություններ կատարելու վերաբերյալ:

30. Մրցույթի մասնակիցները կամ նրանց ներկայացուցիչները կարող են ներկա գտնվել մրցույթի հայտերի բացման և մրցույթի հայտերի ամփոփման նիստերին:

31. Մրցույթի հայտերն ամփոփելու օրը Հանձնաժողովը կազմում է մրցույթի արդյունքների մասին արձանագրություն, որտեղ նշվում է՝

1) մրցույթի հայտերի բացման, ինչպես նաև մրցույթի հայտերի ամփոփման վայրը, ամսաթիվը, ինչպես նաև Հանձնաժողովի նիստին մասնակցած անդամների անունները և ազգանունները.

2) մրցույթի մասնակիցների անվանումները և գտնվելու վայրը.

3) հավաքած միավորների չափը և մրցութում հաղթող ճանաչված մասնակցի անվանումը.

4) այլ անհրաժեշտ տեղեկություններ:

32. Հանձնաժողովի անդամի հատուկ կարծիքը ներկայացվում է գրավոր, որը կցվում է արձանագրությանը և համարվում է դրա անբաժանելի մասը:

33. Մրցույթի արդյունքներն ամփոփելու օրը Հանձնաժողովի նախագահը և անդամները ստորագրում են մրցույթի արդյունքների մասին արձանագրությունը:

34. Մրցութային հանձնաժողովը մրցույթի մասնակիցներին մրցույթի արդյունքների

TELCELL	«ԹԵԼ-ՍԵԼ» ԲԲԸ ԱՆԿԱԽ ԱՌԻԴԻՏՈՐԱԿԱՆ ԿԱԶՄԱԿԵՐՊՈՒԹՅԱՆ ԸՆՏՐՈՒԹՅԱՆ ԿԱՐԳ	Ծածկագիր՝ ԿԿ/290724/11	Խմբագրություն՝ 1.0	Էջ 8 / 11
			Գաղտնի	

մասին գրավոր ծանուցում է երեք աշխատանքային օրվա ընթացքում:

10. Մրցույթի հայտերի մերժումը

35. Մրցույթի արդյունքներն ամփոփելուց հետո 3 աշխատանքային օրվա ընթացքում Հանձնաժողովը մրցույթում չհաղթած մասնակիցներին տրամադրում է մերժման տեղեկանք՝ նշելով մերժման հիմնավորումը:

36. Մրցութային առաջարկության մերժման հիմքերն են՝

1) տեխնիկական փաթեթում ներառված առաջարկությունների անհամապատասխանությունը ընկերության կողմից սահմանված տեխնիկական պայմաններին կամ դրանում անհրաժեշտ տեղեկատվության բացակայությունը:

2) ֆինանսական փաթեթում ներկայացրած առաջարկությունների անհամապատասխանությունը ընկերության կողմից սահմանված ֆինանսական առաջարկի պայմաններին կամ դրանում անհրաժեշտ տեղեկատվության բացակայությունը:

3) ֆինանսական փաթեթում ներառված առաջարկությունները ընկերության համար անընդունելի լինելը:

4) մրցույթի հայտը ներկայացվել է հրապարակային ծանուցման մեջ նշված ժամկետի խախտմամբ:

5) սույն կարգի 3-րդ կամ 4-րդ կետերով սահմանված պահանջները պահպանված չլինելը:

11. Մրցույթի չկայացումը

37. Հանձնաժողովի կողմից մրցույթը համարվում է չկայացած, եթե՝

1) հայտ չի ներկայացվել:

2) ներկայացված հայտերը չեն համապատասխանում մրցույթի մասին հրապարակային ծանուցման մեջ նշված և/կամ Կարգով սահմանված այլ պահանջներին:

3) արտակարգ իրավիճակների պատճառով անհնար է դարձել Հանձնաժողովի աշխատանքների կատարումը:

4) մասնակիցների կողմից մրցույթի տեխնիկական փուլի հաղթահարման համար սույն կարգի 27-րդ կետի 2-րդ ենթակետով պահանջվող միավորներ չհավաքելու դեպքում:

38. Մրցույթի չկայացման դեպքում Հանձնաժողովը 10 աշխատանքային օրվա ժամկետում հայտարարում և իրականացնում է նոր մրցույթ՝ պահպանելով կարգի դրույթները:

TELCELL	«ԹԵԼ-ՍԵԼ» ԲԲԸ ԱՆԿԱԽ ԱՌԻԴԻՏՈՐԱԿԱՆ ԿԱԶՄԱԿԵՐՊՈՒԹՅԱՆ ԸՆՏՐՈՒԹՅԱՆ ԿԱՐԳ	Ծածկագիր՝ ԿԿ/290724/11	Խմբագրություն՝ 1.0	Էջ 9 / 11
			Գաղտնի	

12. Մրցութային առաջարկների տեխնիկական չափանիշները և դրանց գնահատումը

39. Մրցութային առաջարկների տեխնիկական չափանիշներն ու դրանց գնահատումը կատարվում է հետևյալ եղանակով՝

1) Աուդիտորական կազմակերպության միջազգային ճանաչումը (հեղինակությունը)՝ գնահատվում է 1-3 միավոր՝

ա. միջազգային ճանաչում ունեցող աուդիտորական կազմակերպություն (<http://www.accountancyage.com/static/top50-this-year>, <http://accountants.entrepreneur.com/>, <http://www.vault.com/wps/portal/usa/rankings/landing?rankingId=177®ionId=0> կայքերից որևէ մեկում տեղադրված ցանկում ներառված լավագույն 10 աուդիտորական ցանցերի լիիրավ անդամ հանդիսացող կազմակերպություններ)՝ 3 միավոր.

բ. միջազգային գործունեություն ծավալող ընկերություն, որը չի մտնում <http://www.accountancyage.com/static/top50-this-year>, <http://accountants.entrepreneur.com/>, <http://www.vault.com/wps/portal/usa/rankings/landing?rankingId=177®ionId=0> կայքերից որևէ մեկում տեղադրված ցանկում ներառված լավագույն 10 աուդիտորական տարվա ցանցերի լիիրավ անդամ հանդիսացող կազմակերպությունների մեջ)՝ 2 միավոր.

գ. միայն Հայաստանի Հանրապետությունում գործունեություն ծավալող ընկերություն՝ 1 միավոր.

2) աուդիտորական կազմակերպության աշխատանքային փորձը գնահատվում է 1-ից 3 միավոր, բացառությամբ կարգի 3-րդ կետով նախատեսված դեպքերի՝

ա. 11 տարի և ավելի՝ 3 միավոր.

բ. 8-ից մինչև 11 տարի՝ 2 միավոր.

գ. 5-ից մինչև 8 տարի՝ 1 միավոր.

3) Աուդիտի աշխատանքներին մասնակցող աշխատողների որակավորման մակարդակը և աշխատանքային փորձը գնահատվում է 1-ից 2 միավոր: Գնահատելիս հաշվի է առնվում Ֆինանսական կազմակերպությունների բնագավառում աշխատանքային փորձն ու ստաժը՝

ա. աուդիտ իրականացնող խմբի անդամներից կեսից ավելին ունեն մինչև 3 տարի՝ 1 միավոր.

բ. աուդիտ իրականացնող խմբի անդամների կեսից ավելին ունեն 5 տարի և ավելի՝ 2 միավոր.

TELCELL	«ԹԵԼ-ՍԵԼ» ԲԲԸ ԱՆԿԱԽ ԱՌԻԴԻՏՈՐԱԿԱՆ ԿԱԶՄԱԿԵՐՊՈՒԹՅԱՆ ԸՆՏՐՈՒԹՅԱՆ ԿԱՐԳ	Ծածկագիր՝ ԿԿ/290724/11	Խմբագրություն՝ 1.0	Էջ 10 / 11
			Գաղտնի	

4) աուդիտի աշխատանքներին մասնակցող աշխատակիցների՝ ներառյալ աուդիտորական կազմակերպության պատասխանատու աուդիտորի, աուդիտ իրականացնող խմբի ղեկավարի նվազագույնը 50%-ը պետք է ունենան միջազգային հաշվապահական և (կամ) աուդիտորական որակավորում (Էյ-Սի- Սի-Էյ, ՍԻ-ՓԻ-Էյ, ՍԻ-Այ-Էս-Էյ և այլ), որից գերազանցումը գնահատվում է հետևյալ կերպ՝

ա. 50-65%՝ 1 միավոր.

բ. 66-85%՝ 2 միավորում.

գ. 86% և ավելի՝ 3 միավոր.

5) աուդիտորական եզրակացության և/կամ հաշվետվության ներկայացման ժամկետները գնահատվում են առավելագույնը 2 միավոր, հետևյալ կերպ՝

ա. աուդիտի ավարտից 10 աշխատանքային օր՝ 2 միավոր.

բ. աուդիտի ավարտից 11-20 օր՝ 1 միավոր.

գ. աուդիտի ավարտից 21 օր և ավելի՝ 0 միավոր.

6) աուդիտի անցկացման ժամկետները գնահատվում են 1-3 միավոր հետևյալ կերպ՝

ա. մինչև 20 աշխատանքային օր ներառյալ՝ 3 միավոր.

բ. 21-25 օր՝ 2 միավոր.

գ. 26 և ավելի՝ 1 միավոր.

7) մասնագիտական գործունեության ծախսողման համար մասնագիտական ռիսկի ապահովագրության առկայության և դրա ծածկույթի մեծության կամ պայմանագրային պարտականությունների չկատարման այլ կերպ փոխհատուցելու ծածկույթի մեծության ազդեցությունը (ներկայացվում է մրցույթի մասնակցի կողմից) գնահատվում է պայմանագրի գումարի նկատմամբ 1-ից 3 միավոր, կախված մինչև 5 տարվա ժամանակահատվածում աուդիտի եզրակացության որևէ դրույթի սխալի, անճշտության կամ խեղաթյուրման փաստի ի հայտ գալու դեպքում, պայմանագրային արժեքի՝

ա. 5%՝ 1 միավոր.

բ. 10%՝ 2 միավոր.

գ. 15% և ավելի՝ 3 միավոր.

8) աուդիտորական կազմակերպության Հայաստանի Հանրապետությունում ճանաչվածության աստիճանը (հեղինակությունը)՝ գնահատվում է 1-2 միավոր, Հանձնաժողովի սուբյեկտիվ հիմնավորմամբ:

13. Եզրափակիչ դրույթներ

TELCELL	«ԹԵԼ-ՍԵԼ» ԲԲԸ ԱՆԿԱԽ ԱՌԻԴԻՏՈՐԱԿԱՆ ԿԱԶՄԱԿԵՐՊՈՒԹՅԱՆ ԸՆՏՐՈՒԹՅԱՆ ԿԱՐԳ	Ծածկագիր՝ ԿԿ/290724/11	Խմբագրություն՝ 1.0	Էջ 11 / 11
			Գաղտնի	

40. Մրցույթի արդյունքներն ամփոփելիս Հանձնաժողովը հաշվի է առնում ընկերության տարեկան բյուջեով սահմանված աուդիտորական ծառայության վճարի առավելագույն ընդունելի մեծությունը: Եթե առաջարկները գերազանցում են նշված մեծությունը, ապա ընկերությունը կարող է իրականացնել նոր մրցույթ:

41. Հանձնաժողովը մրցույթի արդյունքներն ամփոփելուց հետո եռօրյա ժամկետում կայացած մրցույթի վերաբերյալ բոլոր անհրաժեշտ փաստաթղթերը ներկայացնում է ընկերության տնօրինությանը, որը դրանք ստանալուց հետո 10 օրյա ժամկետում հրավիրում է նիստ և կայացած նիստի արդյունքներով եզրակացություն է տալիս ընկերության աուդիտի հանձնաժողովին, իսկ վերջինս ներկայացնում է Խորհրդին, որը որոշում է կայացնում մրցույթում հաղթած աուդիտորական կազմակերպությանը ընկերության բաժնետերերի տարեկան ընդհանուր ժողովի հաստատմանը ներկայացնելու վերաբերյալ:

42. Եթե ընդհանուր բաժնետերերի ժողովը չի հաստատում աուդիտորական կազմակերպությանը, ապա Հանձնաժողովը 10 աշխատանքային օրվա ժամկետում հայտարարում և իրականացնում է նոր մրցույթ՝ պահպանելով կարգի դրույթները:

43. Մրցույթի մասին հրապարակային ծանուցման պահից ընկերությունը հնարավորություն է ընձեռում մասնակիցներին ծանոթանալու կարգին:

44. Կարգով սահմանված գործընթացներում ներգրավված ընկերության աշխատողներն անհատական պատասխանատվություն են կրում ընկերության ներքին իրավական ակտերով, նրանց հետ կնքված աշխատանքային և նյութական պատասխանատվության պայմանագրերով՝ կարգով նրանցից յուրաքանչյուրի համար սահմանված աշխատանքային պարտականությունները ճշգրիտ և պատշաճ չիրականացնելու համար:

45. Կարգի պահանջների պահպանման նկատմամբ հսկողությունն իրականացնում է Ընկերության գործառնական դեպարտամենտի ղեկավարը, իսկ վերահսկողությունը՝ վերստուգողը: